



Malva Malvada



Gala Galante




pa: Adlemi



Manera hopi mucha, Malva tambe ta gosando den carnaval. Pero Malva ta haci mal uso di su disfras di diablito, e ta core tras di mucha y pencha nan cu su fork! Tambe e ta benta su cup y lenso di papel riba caya! Teribel, esey no ta sistema di celebra carnaval!!!



Gala tambe ta den un grupo di carnaval. Nan si ta balia den rij y e ta tene su cup den man te ora e leidster pasa piki nan. E ta scucha di e leidster, y Gala ta conciente cu mester tene nos carnaval nec hi y bunita.



Di unda e number ta bini?

Despues di un paar di luna, ata aki atrobe e serie di nombenan di barionan y districtonan di Aruba. Abo sa di unda e number ta bini?


Bakicuero di ALTO VISTA

Algun lugar den area di Alto Vista ta conta di e bida di e habitantenan den siglo 18. Algun lugarnan ta p.e. Bakicuero, Poz di Noord, Tanki Cacique, Boca Cura. Un boca chikito pa'nord di e kapel yama **Bakicuero**, pasobra mas paden contra e serito tabata tin un baki di cuero. E tabata un piedra grandi y plat, cu tabata tin rand di piedra y kalki pa asina e forma e baki unda tabata laba cuero.

Poz di Noord ta un poz chikito, coba den e santo di lama di e boca poco pa'bao di e kapel. E poz aki tabata e fuente principal di awa pa esnan cu tabata habita e area.

Tanki Cacique ta un tanki cu ta coba y ta keda pa'nord di e kapel. E tanki aki tabata warda awa solamente ora di temporada di yobia. E Cacique tambe tabata biba den cercania di e tanki aki.

Boca Cura tambe ta keda poco pa'nord di Alto Vista, y a haya su number pasobra tabata tin os rij di piedra cu tabata yena cu gruis y piedra chikito. Den e cura tabata tin cabrito, carne, etc.



Chabalito

Number 5 - Año XII

